



Ayuntamiento
de Vitoria-Gasteiz
Vitoria-Gasteizko
Udala

2019ko deialdia **“Giza eskubideak eta sorkuntza artistikoa”**

**Antolatzaileak: Garapenean Laguntzeko Zerbitzua eta
Montehermoso kulturunea**



OINARRIAK

Garapenerako sentsibilizazioaren eta hezkuntzaren alorreko ekintzen bitartez hirian elkartasunaren kultura sustatzen laguntzea da Gasteizko Udaleko Garapenean Laguntzeko Zerbitzuaren helburu estrategikoetako bat, hartara, garatze bidean dauden herrialdeetako errealitatea ezagutzera eman eta munduko pobrezia eta desberdintasunen arrazoiez ohartarazteko.

Herritarrei errealitatea ulertzen eta kontzientzia kritikoa bereganatzen lagunduko dieten gakoak eskaini nahi dira horretarako, hainbat ekintza eta programaren bitartez, beren bizimodua zalantzan jartzeko gai izan daitezen, eta, horrenbestez, jokabide-aldaketa susta dadin. Azken finean, pertsona aktibo eta arduratsuak izan daitezen, horrenbeste gizakik bizi dituzten bidegabekeria- eta desberdintasun-egoeren aurrean axolagabe agertuko ez direnak, geldirik geratuko ez direnak.

Giza eskubideen inguruko laguntza eta babesa emateari dagokionez, Gasteizekin harreman berezia duten herrialdeetan hainbat jardun burutu da azkenengo urteetan, batzuk giza eskubideak babesteko deialdiko proiektuak finantzatzeko emandako laguntzaren bidez, beste batzuk, berriz, bestelako hitzarmen edo ekimenen bidez.

Mundu globalizatu eta interkonektatu honetan, hedabideei eta sare sozialei esker, gero eta begi-bistakoagoak dira planeta osoan milioika gizakiri eragiten dieten giza eskubideen urraketa larriak. Gainera, Hegoaldeko herrialdeetan gertatzen den funtsezko eskubideen urraketak ondorio jakinak ditu gure gizartean.

Montehermoso kulturuneak, bere aldetik, artegintzaren bitartez inguratzen gaituen errealitatea zalantzan jartzeko eta eragile guztien artean gogoeta eta ikaskuntza sustatzeko gaitasuna duten proiektuen garapena bultzatzen du.

Zeharkako ikuspegitik zertzen diren lan-prozesuak izan ohi dira, kultur eta gizarte-eragileei eta herritarrei modu aktiboan —gaitasunak eta ahaleginak batera bilduz— proposamen komun baten garapenean parte hartzera gonbit egiten dietenak.

Horrenbestez, bai Garapenean Laguntzeko Zerbitzuan, bai Montehermoso kulturunean, uste izan dugu egungo kultur gintza, bere adierazpide ugariekin —sorkuntza plastikoa, ikus-entzunezkoak, antzezte-arteak...—, berebiziko tresna dela elkarriketa eta gogoeta espazioak sustatzeko, eta agerian jartzeko zein egoeratan dauden giza eskubideak gaur egungo mundu honetan.

Testuinguru horretan, Giza Eskubideen Adierazpen Unibertsala eta abenduaren 10eko ospakizuna erreferentziatzen harturik, organizazio eta kolektibo sozial eta kulturelek egiten duten lana zabaldu eta herritarren sentsibilizazioa ahalbidetuko zuen sorkuntza artistikoko proiektu bat hautatzeko deialdia jarri zuten abian Garapenean Laguntzeko Zerbitzuak eta Montehermoso kulturuneak 2013an —giza eskubideak babestu eta aldezteko nazioarteko elkartasunaren alorreko gizarte-eragileak eta hiriko kultur eragileak elkarlanean jarriko zituen proiektu bat—.

Deialdi horren sei edizio egin dira dagoeneko, 2013tik 2018ra bitartean, eta esku hartu duten gizarte-eragileek, talde artistikoek eta udal zerbitzuek horiek direla-eta egindako balorazioek argi utzi dute ekimena arrakastatsua izan dela, bai esparru bateko eta



besteko taldeen arteko lankidetzari dagokionez, bai gauzatu diren ekoizpenei eta ikusleek erakutsi duten interesari dagokienez.

Aurreko sei edizio horien emaitza onak eta parte hartu duten taldeen gogobetetasuna kontuan izanik, berriro ere, 2019rako, “Giza eskubideak eta sorkuntza artistikoa” deialdia egiten dute Montehermoso kulturuneak eta Garapenean Laguntzeko Zerbitzuak, esku hartu duten taldeen zenbait iradokizun oinarrietara ekarri ondoren.

OINARRIAK

1. DEIALDIAREN XEDEA

Kultur edo arte-ekintzen bitartez gaur egun munduan —bereziki Gasteizko kolektibo edo erakundeek loturak dituzten lekuetan, edo horiek inplikaturik dauden problematikak dituztenetan— giza eskubideak zertan diren gogoeta eta azterketa kritikoa egiteko markoa sortuko duen **proiektu bat hautatzea** du xede Garapenean Laguntzeko Zerbitzuaren eta Montehermoso kulturunearen deialdi honek.

Ikuspegi malgua eta diziplinartekoa du deialdiak, eta honako hauek ahalbidetzera dago zuzendua:

- nazioarteko elkartasunaren alorreko erakunde edo kolektiboen eta sorkuntza artistikoaren adierazpenetako edozein —plastikoa, ikus-entzunezkoak, antzezte-arteak...— lantzen duten kultur eragileen arteko harremana,
- planetan gertatzen diren giza eskubideen urraketen gainean sentsibilizatzea herritarrek, sorkuntza artistikoaren bitartez, bidegabekeria horien aurrean gogoeta eta jarrera kritikoa garatzeko asmoz,
- Gasteizko gizarte-erakundeek nazioarteko elkartasunaren eta giza eskubideen alorrean bideratzen dituzten ekintzei buruzko gertuko eta benetako informazioa ematea herritarrei, bereziki hirian bizi diren pertsona edo komunitateen jatorri diren herrialdeei dagokienez.

Hautatzen den proiektua kontratatu egingo du Gasteizko Udalak, Garapenean Laguntzeko Zerbitzuaren 2019ko aurrekontuko 0162-4630-2-2799 “Kanpoko beste zenbait lan” partidaren kontura.

2. ESKATZAILEEN BETEBEHARRAK

Jarduteko erabateko gaitasuna duten eta sektore publikoarekin kontratatzeko debekupean ez dauden entitate, erakunde, elkarte eta gizarte- nahiz kultur eragileek aurkeztu ahal izango dituzte proiektuak.

Entitate eskatzaileak giza eskubideen inguruko sentsibilizazioaren esparruan ekintzaren bat gauzatu duela egiaztatu beharko du, eta deialdi honetan jasotzen diren baldintzak bete.



3. PROIEKTUEN ETA PARTE-HARTZAILEEN EZAUGARRIAK

3.1. Alderdi orokorrak

Proiektuan honako hauek parte hartu edo lagundu beharko dute, ezinbestean:

- Gasteizen nazioarteko elkartasunaren eta giza eskubideen defentsaren alorrean lanean diharduen erakunde edo kolektibo batek eta
- kultur erakunde, elkarte edo eragile batek.

Genero-analisiaren alderdiak jaso beharko ditu proiektuak, hartara nabarmentzeko nola giza eskubideen alorreko arazoez bereziki eragiten dieten emakumezkoek.

Aurkezten den proiektuak sortu berria izan beharko du eta deialdian ezarritako epeen barruan garatu beharko.

Hautatzen den proiektua jendaurrean erakutsi beharko da, Montehermoso kulturunean, 2019ko azaroaren 19tik 2020ko urtarrilaren 15era bitartean (muntatu eta desmuntatzea barne).

Jarraipen-batzordeak, egoki baderitzo, hautatutako proiektuan aldaketak egitea gomendatu ahal izango du, aurrekontua ukitu gabe.

3.2. Edukiak

Gai eta eduki hauei emango zaie lehentasuna:

- Jorratzen den **gaiak** zuzeneko lotura izan beharko du nazioartean gizatalde jakinek nahiz populazio osoek pairatzen dituzten giza eskubideen urraketekin, hala nola: babesik eza eta indarkeria jasaten duten haurrak, gatazka armatuen edo migrazioen ondorioak, krisi humanitarioak, eskubide ekonomiko eta sozialak, askatasun-gabetze bidegabeak; pertsonen salerosketa; arraza-, iritzi-, erlijio- edo sexu-arrazoiengatikoko jazarpenak.

Lehentasunezko zat jotzen dira:

- Hirian bizi diren pertsona edo komunitateen jatorri diren herrialdeei eragiten dieten giza eskubideen alorreko problematikak.
- Azken hiru urteetan (**2016, 2017, 2018**) Gasteizko erakunde edo kolektibo sozialek esku hartu duten giza eskubideen arloko proiektu eta problematikak.
- Emakumezkoek bereziki eragiten dieten giza eskubideen urraketekin zerikusia duten problematikak, eta emakumeen eskubideen berariazko edo zeharkako tratamendua.

3.3. Ekoizpena eta muntaketa

Proposamenak bereziki kontuan hartu beharko ditu Montehermoso kulturuneko espazioen ezaugarriak, baita zentroko baliabideak ere.

Erakusketak: Lehen solairua.

Bestelako jarduerak: Ortuño, Betolaza eta Salcedo aretoak eta lantegiak



(jardueraren arabera), aldeztatik eskatuta eta espazio bakoitza erabilgarri dagoen datetan.

Era berean, proiektuaren behar teknikoak berri eman beharko da, Montehermosoko baliabideetara egokitzen den aztertzeke. Zentroak eskatu diren baliabide horiek ez baditu, antolatzaileek hartu beharko dituzte bere gain.

Montehermoso kulturuneko teknikariek zuzenean parte hartuko dute proiektuaren ekoizpenean, hura sustatzen duten elkarte eta kultur eragileen lana errazte aldera.

3.4. Jarduera osagarriak

Proposamen artistikoz gain, jarduera osagarrietarako programa bat ere gehitu ahal zaio eskabideari. Programa hori proiektu artistikotik apartekoa izango da, eta proiektuaren gaiari zuzenean lotuta. Jarduera horiek proiektu artistikoa ikusgai dagoen garaian egitekoak izan behar dute, eta, ahal bada, Montehermoso kulturunean egitekoak.

Proposamenean zehaztu egin behar dira jarduerak, edukia edo gaia, parte hartuko duten pertsonak eta kostua (gutxi gorabeherakoa).

Jarduera horiek ezingo dute 4.000 euroko kostua gainditu, eta ez da proiektu artistikoa gauzatzeko kontratuaren kontura izango; Gasteizko udalak kontratatutako ditu, egokitzen joz gero.

Proiektu artistikoa aukeratzeak ez dakar berekin proposatutako jarduera osagarriak burutzea, baina, hala ere, balioetsi egingo dira horien egokitasuna eta izan dezakeen eragin soziala.

4. ZENBATEKOA ETA ORDAINKETA

Deialdiaren gehieneko zenbatekoa **14.999,00 euro + BEZ (% 21)** izango da, eta Garapenean Laguntzeko Zerbitzuaren 2019ko aurrekontuko 0162-2391-22799 "Kanpoko beste zenbait lan" partidaren kontura joango da.

Proiektua ekoitzi eta gauzatzetik eta Montehermoso kulturunean erakusgai jartzetik sortzen diren gastuak barne hartu beharko ditu zuzkidura horrek.

Gasteizko Udalak, bere aldetik, kostu hauek hartuko ditu bere gain, 0162-4630-2-2799 "Kanpoko beste zenbait lan" partidaren kontura:

- publizitatearen eta zabalkunde instituzionalaren kostuak, hala nola hirian egiten den publizitatea, gonbidapenak, aretoko orriak eta Montehermoso kulturuneko bannerra.

- aretoetako arreta- eta zaintza-langileak.

Era berean, udalak bere gain hartu ahalko ditu

- muntatze-eta desmuntatze-lanen ondorio diren beste kostu batzuk, gehienez 2.000 euro arte.
- 3.4 atalean adierazitako jarduera osagarriei dagozkien kostuak, gehienez



4.000 euro arte..

Montehermoso kulturuneko tresneria teknikoa eta giza baliabideak gehituko zaizkio horri, erabilgarri badaude eta proiekturako egoki badira.

Kontratuari dagozkion ordainketak honela egingo dira:

- % 60 kontratua izenpetzen denean,
- gainerako % 40, proiektua burututakoan.

Batean nahiz bestean, faktura aurkeztu beharko da.

5. AURKEZTU BEHARREKO AGIRIAK

Agiri hauek aurkeztu beharko dira:

- Eskabidea, behar bezala beteta.
- Eskatzaileak zerga-betebeharrak eta Gizarte Segurantzari ordaindu beharrekoak ordaindu dituela eta sektore publikoarekin kontratatzeko debekuaren mende ez dagoela jasotzen duen erantzukizunpeko aitortpena.
- Proiektuaren titularraren nortasun-agiriaren edo agiri baliokidearen fotokopia.
- Proiektuaren titular den pertsona edo entitatearen ibilbidea edo curriculuma.
- Beste batzuekin batera aurkeztuz gero, entitatearen nahiz haren ordezkariaren ibilbide edo curriculumaz eta datuez gain, harekin batera parte hartzen duten agenteen gaineko informazio osoa ere aurkeztu beharko da.
- Proiektuaren dosierra, alderdi hauek biltzen dituena:
 - Proiektuaren izenburua eta garapena.
 - Behar teknikoak.
 - Gauzatzeko egutegia.
 - Gutxi gorabeherako aurrekontu banakatua, finantziario propioa izan lezaketen kontzeptuak zehazten direlarik eta orobat bereizten honako hauei dagozkien kostuak:
 - Ikerketa eta diseinua.
 - Ekoizpena.
 - Muntatzea eta desmuntatzea.
 - Komunikazioa.
 - Inaugurazioa.
- Jarduera osagarrien proposamena

Eskabideari ez bazaizkio eransten atal honetan zehaztu diren agiriak, hamar eguneko epea emango zaio eskatzaileari egoera hori konpon dezan. Hala egin ezean, bertan behera utzitzat joko da eskabidea.



6. AURKEZTEKO EPEA ETA LEKUA

2019ko apirilaren 12ra artekoa izango da proiektuak aurkezteko epea.

Honela aurkeztu ahal izango dira:

Eskura nahiz postaz, bai Garapenean Laguntzeko Zerbitzuan —Frai Zacarias Martínez kalea, 3; 01001 Vitoria-Gasteiz—, bai Montehermoso kulturunean —Frai Zacarias Martínez kalea, 2; 01001 Vitoria-Gasteiz. **Postaz bidaltzen bada**, dena delako posta-bulegoko erregistroan jarritakoa joko da aurkezte-datatzat.

Posta elektronikoz bidaltzen bada, cooperacion.desarrollo@vitoria-gasteiz.org helbidera bidal daiteke dokumentazioa. Pdf formatuko agiri osagarriak erantsi ahal izango zaizkio posta elektronikoz egiten den bidalketari, behar izanez gero zip batean konprimituta.

Eskabideak eta erantsitako agiriak jasotzea: Eskabideak eta agiriak posta elektronikoz edo posta arruntez jasotzen direlarik, posta elektronikoz baieztatuko da jaso direla. Eskura ematen badira, berriz, jaso izanaren egiaztapenaren bitartez. Hortaz, egiaztapena jasotzen ez bada, ondorioztatu beharko da agiriak ez direla heldu.

7. PROIEKTUAK BALIOETSI ETA HAUTATZEA

Honako hauek osatuko dute hautaketa-batzordea:

- Araceli de la Horra, kultur zentroetako burua
- Aitor Gabilondo, Garapenean Laguntzeko Zerbitzuko arduraduna.
- Mikel Martínez, Garapenean Laguntzeko Zerbitzuko teknikaria.

Garatuko den proiektua hautatzeko, aurkeztutako proposamenak alderatu egingo dira, balioespen-irizpide hauek aintzat hartuta:

IRIZPIDEAK	PUNTUAK
Edukiak	18
• Gasteizko erakunde edo kolektibo sozialek esku hartu duten giza eskubideen arloko proiektu eta problematikekiko lotura.	8
• Hirian bizi diren pertsona edo komunitateen jatorri diren herrialdeei eragiten dieten giza eskubideen alorreko problematikak.	6
• Emakumezkoek bereziki eragiten dieten giza eskubideen urraketak.	4
Proiektuaren interesa eta kalitatea	32
• Giza eskubideen ikuspuntutik	8
• Genero ikuspegia izatea	4
• Artearen ikuspuntutik	20
Proiektuaren zehaztasuna, koherentzia eta bideragarritasuna, aurkeztutako dosieraren eta dokumentazio osagarriaren argitara: helburuak, gauzatzeko denbora eta baliabideak	20



IRIZPIDEAK	PUNTUAK
Proposamenak gizartean izango duen inpaktua	10
Hiriko organizazio edo kolektiboen eta kultur eragileen arteko lankidetzaren edo harreman-maila, prozesu osoan	10
Jarduera osagarrien proposamena	4
Hirian bizi diren jatorriko herrialdeko pertsona edo komunitateen partaidetza	2
Eskatzaileek, kultur eragileek edo erakunde laguntzaileek sentsibilizazioaren arloan hirian izandako ibilbidea.	4
PUNTUAK, GUZTIRA	100

Bereziki aintzat hartuko da proiektua landu eta gauzatzeko prozesuan zenbaterainokoa den haren eragile diren talde edo sareen eta gizarte- eta kultur eragileen arteko lankidetzaren, eta proposamen guztientzat izango da hori bete beharreko baldintza.

Hautaketa-batzordeak eskatzaileak elkarrizketatu ahal izango ditu, edo informazio osagarria eskatu, aurkeztutako proposamenak hobeto ebaluatzeko.

Proiektuetako batek ere ez badu eman daitezkeen puntuaren % 50 lortzen, deialdia esleitu gabe utzi ahal izango du hautaketa-batzordeak —zati bat edo osorik—.

8. DEIALDIAREN EBAZPENEA

Hautaketa-batzordeak deialdi honetako 7. puntuan zehaztu diren irizpideak aintzat harturik aztertu eta ebaluatuko ditu aurkeztu diren eskabideak eta agiriak.

Eskabideak balioetsi ondoren, emaitzaren berri emango du batzordeak, hilabeteko epearen barruan —eskabideak aurkezteko epea amaitzen den egunetik—.

Idatziz jakinaraziko da ebazpena.

9. KOORDINAZIOA ETA JARRAIPENA

Proiektua behar bezala garatzen dela bermatzeko, Montehermoso kulturunearekin koordinatu beharko da. Bertako langileek behar den aholkularitza teknikoa eskainiko dute, proiektua egituratzeko eta zentroko baliabideetara egokitzeko.

Era berean, jarraipen-batzorde bat eratzea aurreikusten da, honako hauek osatua: Araceli De la Horra (Montehermoso kulturunea), Aitor Gabilondo eta Mikel Martínez (Garapenean Laguntzeko Zerbitzua).



Batzorde horrek behar adina bilera eskatu ahal izango dizkio kontratatzen den entitateari, kontratuan jasotzen diren zehaztapen eta betebeharrak oro behar bezala betetzen direla bermatzeko.

Halaber, batzorde horri dagokio kontratua gauzatzeko orduan egiten diren egokitzapen- eta aldaketa-proposamenak baimentzea, eta proiektuaren kanpo komunikazioa gainbegiratzea.

Baldin eta uste bada lana ez dela deialdian aurreikusitako moduan eta epeetan gauzatzen ari, besterik gabe esleipena bertan behera utzi ahal izango da, batzordeak txostena egin ondoren.

10.ONURADUNAREN BETEBEHARRAK

Deialdi honetan hautatzen den proiektuaren titular den entitate edo pertsonak konpromiso hauek hartu beharko ditu:

- a_ Hautaketa-batzordearen erabakia onartzekoa.
- b_ Proiektua deialdian zehazten den epean eta aurreikusten diren baldintzetan gauzatzekoa.
- c_ Gehienez hamar eguneko epean, onartzen duela idatziz berrestekoa. Garapenean Laguntzeko Zerbitzuak kontratua sinatuko du hautatutako proiektuaren titularrekin edo titularrekin, eta bertan zehaztuko dira zerbitzuak eta harremanaren baldintzak.
- d_ Gasteizen edo Araban bulegoa izatekoa, proiektua gauzatzen den bitartean, proiektua gauzatzearen inguruko koordinazioa errazteko.
- e_ Jarraipen batzordeak informazio edo agiririk galdatuz gero, horri erantzutekoa, eta, era berean, proiektuaren komunikazioan Gasteizko Udalaren irudi korporatiboa erabili eta agerian jartzearen inguruan ematen zaizkion jarraibideak oro betetzekoa.
- f_ Aurkeztutako proiektuan aldaketarik bada horren berri idatziz ematekoa.
- g_ Aurkeztutako proiektuaren jabetza intelektualaren eskubideen titularra izatekoa.
- h_ Proiektuaren komunikazio egokirako beharrezko egokitzen diren informazioa eta dokumentazioa ematekoa, eta, behar izanez gero, proiektuaren barruan ekoizten diren irudiak jendaurrean erreproduzitu eta erakusteko eskubidea Gasteizko Udalari lagatzekoa.
- i_ Programa bukatu ondoren, bi hilabeteko epean, egindako lanaren oroitidazkia aurkeztekoa —edukiak kontratuan zehaztuko dira—.

11.DOKUMENTAZIOA ITZULTZEA

Erabakiaren berri jakinarazi ondoren, hautatu gabeko proiektuak itzuli egingo dira eskatzaileak hala eskatuz gero, 30 egun naturaleko epean itzuli ere. Denbora hori igarotzen delarik, gainerako proiektuak txikitu egingo dira.



12.OINARRIAK INTERPRETATU ETA ONARTZEA

Oinarri hauek interpretatzean edozein zalantza sortzen delarik ere, jarraipen-batzordeko kideek ebatziko dute.

Deialdi honetan parte hartzeak oinarriak oso-osorik onartzen direla esan nahiko du. Oinarri hauetakoren bat edo laguntzak emateko baldintzetakoren bat ez betetzea nahikoa arrazoi izango da horiek bertan behera geratzeko, galda litezkeen bestelako erantzukizunak gorabehera.

Informazio gehiago:



Zerbitzua	Kontaktua	Tel.	E-posta
Garapenean Laguntzea	Mikel Martínez	945 16 16 54	mmartinez@vitoria-gasteiz.org
Garapenean Laguntzea	Aitor Gabilondo	945 16 15 77	agabilondo@vitoria-gasteiz.org
Montehermoso kulturunea	Araceli De La Horra	945 16 18 29	adelahorra@vitoria-gasteiz.org